

程朱闕里志





漢書門			
八	九	五	一
七	二	一	
冊	架	函	號

內閣文庫			
八	九	五	漢
七	二	一	書
冊	架	函	號

內閣文庫		
番號	漢	8951
冊數	7 ( 7 )	
函號	287	107

六 畫





程朱闕里志卷之六

明後學古歛趙滂編集

後大學同邑外鮑應鰲纂次

洪世俊




汪元功

畢懋良

方道通

畢懋康

鮑觀光



汪自露

程鳴瑞

趙有成

趙懋潛

曹應鶴同校

錫典志

三夫子道未及大行於時迨身後而國家之優崇褒顯有隆無已延至我  
聖朝猶烏奕焉噫何其盛也於此見吾道如日中天

雖暫晦而即明而人主之崇儒重道可謂得治本者矣前後制辭煌煌具在或於其身或於其子孫作錫典志第六

褒崇

道尊德貴不爵而王名高風遠不土而疆優崇表錫國有彝常追隆歷代彌久彌光

宋寧宗嘉定十三年正月十六日軍器監兼權者功

郎官樓觀上純公履謚議

議曰嘗觀明道先生有言曰仲尼元氣也顏子春

生也孟子拜秋殺盡見之又曰仲尼天地也顏子  
和風慶雲也孟子泰山巖巖氣象也先生之品藻  
聖賢區別於片言隻字之間儼然如在其左右也  
然則今之議先生之謚者烏可泛然而贅爲之說  
乎博士謚曰純公豈有得於春生而爲和風慶雲  
者乎及觀伊川先生狀其行曰先生資稟既異而  
充養有道純粹如精金溫潤如良玉寬而有制和  
而不流信斯言也謚之以純曰宜謹議六月二十  
二日奉

聖旨依

魏了翁乞定程先生謚議  
臣聞謚者行之迹昔人所以旌善而懲惡節惠而  
尊名也爰自後世限以品秩濟以請託于是常位  
大官者雖惡猶將飾之品秩之所不逮則有碩德  
茂行而不見稱于世者矣夏竦高若訥而謚文莊  
蔡卞鄭居中而謚文正鄧洵武蔡條而謚文簡呂  
惠卿而謚文敏張商英而謚文忠強淵明而謚文  
獻林希而謚文節溫益而謚定簡汪伯彥而謚忠

定秦檜而謚忠獻此皆名浮于行而章章在人耳目者自余此類又何可勝數而舉世視為當然未常以為訝也至于倡明正學于千有余載之後上嗣去聖下開來哲如程顥程頤張載及一時大儒高第其有功于生民之類亦不為小矣世之相後不為近矣而卒未有表而出之者人亦不以為闕也臣竊為之不平久矣迺自前歲誤被簡擢揖承漕寄遂因職分所關輒於貼黃有云近歲如朱熹張拭皆已賜謚而熹拭之學是宗程顥今錄其後

而遺其先似于褒崇美意猶有未盡已荷皇明函垂俞允遂以所奏下之有司維時春官亦專以程顥兄弟為請申命所屆承學之士聞風興起蓋學術之標準風俗之樞機所關甚不小也而二年于茲猶未有以易其名者豈事大體重未容以輕議邪抑自邇年以來謚之美者曰文曰宣曰成既首以用程之苗裔故思所以加諸此者而未能也然稽諸謚法亦豈無可以加此者舍曰如文如宣如成者既不可得而易則歸承之間亦不嫌于同謚

也臣愚欲望聖慈申飾有司速加考訂俾隆名美  
謚早有以風勵四方示學士大夫趨向之的則其  
于崇化善俗之道無以急于此者臣出位犯分游  
瀆聖聰伏俟斧鑕之誅

宋理宗淳祐六年二月追封河南伯制

勅明道初元天於河南篤生大賢是似顏子故任  
承議郎宗正寺丞謚純程顥德性粹甚天理渾然  
由明而誠有過化存神之妙自體達用有綏來動  
和之功使得相於熙寧蒼生之福未艾朕每追惜

之然誦其遺書如有用我期月而可真足以開萬  
世之大平也爰躋從祀仍錫追封以示褒崇以勸  
來者可特封河南伯餘如故

趙汝騰行詞

宋神宗元豐八年十一月二十六日鄉貢進士程頤  
授西京國子監教授制

勅鄉貢進士程頤孔子曰舉逸民天下之民歸心  
焉吾思起巖穴之士以粉澤太平而大臣以甬好  
學篤行薦於朝願得試用故加以爵命起甬為洛  
人矜式此故事也盛名之下尚慎處哉可特授汝

州團練推官充西京國子監教授填見闕

土震行詞

宋哲宗紹興元年九月二日崇政殿說書程頤贈直

龍圖閣制

勅故左通直郎崇政殿說書程頤朕惟周衰聖人之道不得其傳世之學者違道以趨利捨己以為人其欲聞仁義道德之說者孰從而求之亦孰從而聽之間有老師大儒不事章句不習訓傳自得於正心誠意之妙則曲學阿世者又從而排陷之卒使流離顛仆其禍賊於斯文甚矣再頤潛心大

業無待而興者也方退居洛師則子弟從之孝弟忠信及進侍講惟則拂心逆旨務引君以當道由其外以察其內以其所已為而逆其所未為則高明自得之學可信不疑而浮偽之徒自知學問文采不足表見於世乃竊其名以自售外示恬默中實奔競外示朴魯中實姦猾外示嚴正中實回僻遂使天下之士聞其風而疾之是重不幸焉再朕錫以贊書寵以延閣所以振耀褒顯之者以明上之所與在此而不在彼也尚其明靈知享此哉可

特贈直龍圖閣

林通行詞

右伊川先生舉逸民追贈之告詞也昔先生居洛以道自在元祐初始應詔未幾以間去中興首明黨議而先生下世矣先生之孫源將以二詞刻諸石先生之道雖不行於時此抑以見我朝崇儒重道之意嘉定庚辰二月朔東陽徐橋書

宋寧宗嘉定十三年正月十六日軍器監兼權考功

郎官樓觀上正公覆謚議

議曰伊川先生程公願奉其兄明道先生親得濂溪先生而師之宜其心同道行同功無間乎一氣今博士謚明道以純謚伊川以正曰正與純亦有

異乎此覆權者所當辨也夫有天資有學術學術得於師承之素天資得於稟賦之初以學術而充天資固可以造道之精微然而天資之得於稟賦者雖聖賢不能以強同而終亦同歸於道也明道天資純粹其接物如春陽之溫其言之入人也如時雨之潤故曰純若夫伊川天資勁正法度森嚴豈明道所謂秋殺盡見泰山巖巖氣象之遺風餘韻者乎考之議論揆之躬行參之立朝大節謚之以正曰宜謹議六月二十二日奉



聖旨依

宋理宗淳祐六年二月追封伊陽伯制  
勅明道二年天於河南挺生儒宗是似曾子故任  
左通直郎崇政殿說書贈直龍圖閣程頤直內方  
外智崇禮卑物格知至則由體驗之功任重道遠  
則自持守之固發明六藝辭嚴義密怡然理順渙  
然冰釋豈獨天下之士受先覺之賜朕萬機之暇  
垂意經術所藉以緝熙多矣爰躋從祀仍錫追封  
以示褒崇以勸來者可特封伊陽伯餘如故趙汝

騰行詞

宋孝宗淳熙十四年七月六日除提點江西刑獄

公事朱熹誥

勅宣教郎直徽猷閣主管南京鴻慶宮朱熹爾好  
古道據正不回利物愛人用志彌篤擁州麾分使  
節先德後刑民從其化而救荒之政所全活者尤  
衆久從家食念之不忘江右持平往哉惟允行爾  
盡心之學廣我好生之仁可依前官差提點江南

宋西路刑獄公事

陳居仁行詞

宋孝宗淳熙十五年八月 日除直寶文閣主管

西京嵩山崇福宮朱熹誥

朕惟廉節不立風俗未淳思得難進易退之士表  
而用之庶幾曠然變其舊習再之學術遠有淵源  
其為操行養之久矣志在憂世曾未得一日立於  
朝北以部刺史入奏便殿朕嘉其謹論留寘郎曹  
蓋將進諸清要之地遽以疾諗祈反初服既勉從  
於素志復更請於真祠夫招麾何意於去來仕止  
不形於喜愠比古之清遠之士也朕察爾於是陞

職二等聽食優閑之祿身雖在外亦有補於風化

云 中書舍人鄭僑行詞

宋光宗紹熙四年十二月 日除知潭州湖南安

撫朱熹誥

勅具位十國為連師帥是寄矧長沙據湖湘上游  
賜履甚廣視邦選候尤難其人以再學古粹深風  
節峻特可以為世之師仁心仁聞威惠孚洽可以  
為時之帥兼是仁者往臨藩方聲望所加列城聳  
服儒先相望士氣方振再其為朕教之楚俗雖安

尚有洞燦爾其為朕撫之典刑所存奚事多訓可

中書舍人樓鑰行詞

宋光宗紹熙五年八月朔日除煥章閣待制侍講

朱熹誥

朕初承大統未暇他圖首闢經帷惟詳延學士眷儒  
宗之在外召節之趣歸徑登從班以重吾道具位  
朱熹發六經之蘊窮百氏之源其在兩朝未為不  
用至今四海猶謂多奇擢之次對之班處以通英  
之列若程頤之在元祐若尹焞之於紹興副吾尊

德樂義之誠究再正心誠意之說豈惟慰滿於士  
論直將增益於朕躬非不知正化方行帥垣有賴  
試望之於馮翊不如真之本朝召賈傳於長沙自  
當接以前席慰茲渴想望爾邁驅可

黃山行詞

宋光宗紹熙五年十月

日覃恩授朝散郎承熹誥

勅具位學先王之道而明於當世之務三仕三已  
義不苟合天下高之蓋累朝之所嘉嘆而不忘也  
長沙謀帥強為時起肆予初政式邁其歸于以勸  
講朕將虛已聽焉爰因大賚序進厥秩雖曰舊章

亦冀樂告可

中書舍人陳傳良行詞

宋寧宗慶元元年三月

日轉朝奉大夫朱熹誥

勅登崇俊良固欲符於衆望不視功載自難廢於  
彝章雖吾法從之英亦用叙遷之典具位受才宏  
遠造道精醇舉明主於三代之隆夙懷此志以六  
經為諸儒之唱務淑斯人爵每見於辭榮節素高  
於難進載稽吏考爰涉階積久以致官恐未免如  
昔人之議舉賢不待次當有以徇天下之公其體  
朕心勿忘猷告可 中書舍人鄧駟行詞

宋寧宗慶元元年十二月

日詔依舊充秘閣修

撰宮觀朱熹誥

勅具位朱熹從欲者聖人之仁尚謙者君子之行  
眷我執經之老辭夫次對之榮既諒忱誠其頌茂  
命以函心耽墳典性樂丘樊被累朝之特招稱疾  
屢矣於十連而趣召肯起翻然既陪東學之遊兼  
侍西清之邃見卿幾晚方善桓榮之說書高論未  
聞遽若貢生之懷士仍夫華職秩以真祠蓋彰優  
老之風且示隆儒之意逮茲累歲始復有陳前受

之是今受之非誰能無感大遜如慢小遜如僞夫  
豈其然顧而務徇於名高在我詎輕於爵馭俾解  
禁嚴之直復居論著之聯雖雅志之勉從在至懷  
而良咈噫厭承明勞侍從既違持橐之班歸鄉里  
授生徒往究專門之業其祇予訓用蹈于中可  
中人書

賜謚指揮

勘會嘉泰二年十月二十四日已降指揮朱熹已  
致仕可除華文閣待制依條與致仕合得恩澤十

月十八日三省同奉

聖旨特與賜謚令有司議定申奏仍依條與遺表

恩澤一名

右劄付禮部太常寺

嘉定元年十月二十

九日

謚議

宋寧宗嘉定二年八月日太學博士章徠

議曰三才定位非道無與立也儒者之學所以講  
明大道正人事之綱常而參天地之化育故世之  
治亂常視道之隆污若饑者之食必以穀粟寒者

之衣必資桑麻不可易也自周衰正學不明道術  
分裂急功利者昧本原其流爲申韓尚清虛者忘  
實用其弊爲莊老孔孟生乎其時躬履是道旣與  
其徒辯問講究又著而爲書使後世有傳焉然轍  
環天下詆毀困阨至老而不獲用身死而後其道  
始明是何不能取信於當時而乃獲伸於後世邪  
蓋真偽之相奪固不容以口舌勝而枉已直人者  
又聖賢之所不爲也百年之後愛憎泯而是非定  
則謗毀熄而公議行矣至漢之揚雄隋之王通唐

之韓愈學孔孟者也其出處通塞大抵皆然故待  
制侍講朱公自少有志斯道旣仕志愈篤累辟召  
請益得以涵養所學其後不獲命亦屢位于朝分  
符持節于外而類多齟齬不合主上龍飛擢侍經  
筵未幾力排權臣而逐去尋以論者詆爲僞學奪  
職而公亦繼以下世矣權臣旣誅聖化日新乃還  
舊職特命賜謚以公之學曾不究用於平生而僅  
昭白於身後豈其儒之道固不能以苟合而亦不  
可以終泯蓋異時而同符也謹按謚法道德博聞

曰文廉公方正曰忠惟公躬履純誠潛心問學近  
承伊洛遠接洙泗自格物致知閑邪存誠以為踐  
履之實用功於不睹不聞之際加省於日用常行  
之間及行著而習察德新而理明然後明聖賢蘊  
奧之旨救清談功利之偏訓釋諸經平實坦明使  
後學有所依據居鄉則信於朋友而有講切之功  
居官則信於吏民而以教化為務非道德博聞之  
謂乎勤恤民隱如恐傷之奏減橫賦脩舉荒政為  
民有請不避煩瀆必使實惠下究任部使則糾發

吏姦不撓於權勢雖忤時必得其職乃已至於立  
朝則從容奏對極言無隱剴切論疏發於至誠方  
權臣初得志竊弄威福知其漸不可長禍且及天  
下抗章極論繼於講筵密奏雖知取禍弗顧也非  
廉方公正之謂乎彼詞章制作兼備衆體雄深雅  
健追並古作亦可以為文矣而未足為道德博聞  
之文也彼盡心獻納隨事規拂或抗直以揚名或  
削藁而歸美亦可以為忠矣而未必皆廉方公正  
之忠也曰文與忠惟公足以當之而無愧合是二

者以定公行傳之天下與來世庶乎久而益信謹  
議

覆謚議

尚書吏部員外郎兼考功郎官劉弼正上謚議奉  
聖旨依

議曰謚古也復謚非古也謚法曰謚生於行者也  
苟當於其行一字足矣奚復哉故侍講朱公沒於  
爵未得謚上以公道德可謚下有司議所以謚謹  
獻議曰六經聖人載道之文也孔氏沒子思孟軻

更述其遺言以持斯世文幸未墜漢末諸儒采掇  
以資文墨鄭司農王輔嗣輩又老死訓詁謂聖人  
之心真在句讀而已隋唐間河汾講學已不涉聖  
賢聞奧韓愈氏復出特其文近道而蓋孔氏之道  
賴子思孟軻而明子思孟軻之死明者復晦由漢  
而下闇如也及本朝而又明濂溪橫渠剖其幽二  
程子宿其光程氏之徒噓其焰至公聖道粲然矣  
公之學以誠持中敬持外其於書捨六籍則諸子  
曲說不得于其思其於道不敢深索也恐入乎幽



不敢過求也恐汨其統讀書初貫穿百氏終也縮  
以聖人之格言自近而入微由博而歸約原心於  
眇忽析理於錙銖采衆說之精而遺其粗集諸儒  
之粹而去其駁嗚呼醇矣哉孟氏以來不多有也  
公中科第猶少也薄游徑隱閉門潛思朝廷每以  
好官召公莫能屈不得已而出惟恐去之不早自  
官簿書考者九而閑居者四十餘年山林之日長  
問學之功深也平居與其徒磨切講貫皆道德性  
命之言忠敬孝愛之事由公學者必行已莊與人

信居則安貧而樂道仕則尊君而愛民重名節而  
愛出處合於古而背於時若此者真公之學也嗚  
呼師友道喪人各自是公力扶聖緒本末宏闊而  
弄筆墨小技者以為迂癯於山澤與世無競而汨  
沒朝市者以為矯自童至耄動以禮法而跡弛於  
繩墨者姍以為誕世嘗以是病孔孟矣公何恨焉  
初太常議以文忠謚公按公在朝之日淺正生庇  
民之學鬱而不施而著書立言之功大暢于後合  
文與忠謚公似矣而非也有功於斯文而謂之文

簡矣而實也本朝歐蘇不得謚文而得者乃揚大年王介甫介甫經學非醇也其事業亦有可恨揚公正復文士而文乎文乎豈是之謂乎世多評韓愈為文而非也原道謂軻之死不得其傳斯言也程子與之公晚為韓文立考異一書豈其心亦有合歟請以韓子之謚謚公謹議

宋理宗寶慶三年正月八日贈官封爵指揮

御批 朕每觀朱熹所著論語中庸大學孟子法解發揮聖賢之蘊羽翼斯文有補治道朕方屬志

講學緬懷典刑深用欵慕可特贈太師追封信國公謚如故

翰林學士陳必行詞

宋理宗寶慶三年正月八日贈太師追封信國公

朱熹制

天之未喪斯文以方冊之具在書者所以載道歷古今而罕明惟我宋之化成有二程之傑出雖博極羣經而窮理必提挈要指以示人故於論語大學之傳與夫子思孟軻之作常誨人而不倦俾學者之易知沿襲既訛本真浸失嗣興道統允屬儒

先具位某極高明而道中庸多聞見而守卓約允  
六籍悉為之論述於四書尤致於精詳紛然衆說  
之殊折以聖人之正朕自親學問灼見淵源常三  
復於遺編知有補於治道載惟一節歷事四朝早  
錫鋒追晚登橐從始終之際待遇弗渝然而學士  
隆名博聞美謚備舉當時之茂典未克列聖之盛  
心是用析圭五等之尊定位三公之冠申加禮贈  
式究前猷噫身沒言存所恨丘原之難起源深澤  
遠食同義理之無窮尚其不忘歆此嘉命可  
王賢行詞

宋理宗寶慶三年正月 日郊禮推封制

肇祀南郊已訖泰壇之禮推恩週列爰申禡廟之  
褒式重典刑用昭愍錫具位某心潛列聖德配前  
修家有成書發千古不傳之秘戶多滿屨為四方  
來學之宗聽白首於禁塗皦孤忠於講席雖用之  
不盡莫紓經濟之懷然仰之愈尊游厚推崇之典  
滋繇令子克相精禋適當竣事之初宜舉因心之  
教維垣極品已增松楸之春廣信稱公不改封疆

宋之舊諒英識克對殊休 陳卓行詞

宋理宗紹定三年九月改追封徽國公朱熹  
饗明堂而需澤具有彝章謂故國以移封式尊儒  
道昔屢舉褒揚之典茲再疏迫祔之恩眷我宗工  
若時明訓具位某傳孔孟之學抱伊傳之才講道  
以致知格物為先歷萬世而無弊著書以抑邪與  
正為本闕百聖而不慙阜陵知之而有廉靜之褒  
寧廟用之而賴論思之益非漢唐諸子所可疑議  
於伊洛二老尤能發揮肆予訪洛止之初深有不  
同時之恨每閱四書之奧旨允為庶政之良規雖

已加禮贈之崇然未盡憲章之善適逢禋歲載錫  
嘉名爵之父母之邦位以公師之品豈專踵故式  
表教忠噫指書社而封斯道遂明於今日即桐鄉  
而祀厥光爰異於前聞有赫其靈尚淑爾後可依  
前贈太師改封徽國公謚如故

鍾震行詞

元順宗至正二十二年二月日追封齊國公朱

熹

諸世褒崇豈間於異時不有鉅儒孰膺寵教故宋  
聖賢之蘊載諸經義理實明於先正風節之屬垂

華文閣待制累贈寶謨閣直學士太師追封徽國  
公謚文朱熹挺生異質蚤擢科名試用於郡縣而  
善政孔多迴翔於館閣而直言無隱權姦屢排志  
慮不回著書立言嘉乃簡編之富愛君憂國負其  
經濟之長正學久達於中原渙號申行於仁廟詢  
諸僉議宜易故封國啓榮丘爰錫太公之境土壤  
鄰洙泗尚觀尼父之宮墻緬想英風載欽新命可  
追封齊國公餘並如故

危素行詞

錄後

昭茲來許祖武是繩璫枝珠樹奕葉常新田川章播  
獲爰賁簪紳以引以翼勿替雲仍

伊川孫賜補官勅

勅黃行在尚書吏部准尚書左選閔准紹興十年  
四月二十九日勅中書門下省尚書省送到吏部  
狀承都省付下遂安軍奏右承直郎桐廬縣令程  
易申故祖贈朝請大夫直龍圖閣程頤係元祐黨  
籍承都省指揮特與本家恩澤一名本家自被上

件恩澤卽未曾陳乞今有堂弟賜係故叔端彥之  
子見今白身欲乞將上件恩澤奏補堂弟賜於文  
資內安排又緣元降指揮內卽無與補是何名目  
之文所有元得一資真本札子粘連在前合申取  
朝廷指揮伏候指揮仍連真本札子一道四月二  
十九日奉聖旨程賜與補將仕郎其繳到札子令  
尚書省毀抹今來本人依上件指揮合行補官奉  
勅補將仕郎

伊川孫賜授將仕郎勅牒

尚書省牒程賜本貫開封府祥符縣施孝鄉近善  
里五世祖為戶曾祖珣故任太中大夫祖頤故任  
崇政殿說書累贈朝請大夫直龍圖閣父端彥故  
任從政郎所生母史氏年六十自身年三十一牒  
奉勅程賜宜補充將仕郎牒至准勅故牒

宋哲宗紹興十年五月四日

錄用伊川子孫詔旨

勅三省同奉聖旨伊川先生紹明道學為宋儒宗  
雖屢經褒崇而世祿弗及未稱崇獎儒先之意令

尚書省訪求其後特與錄用

宋寧宗嘉定十七年正月一日

伊川四世孫源授迪功郎制

勅故左通直郎崇政殿說書贈朝請大夫直龍圖閣謚正公程頤四世孫源朕惟道德性命之旨具載魯論孟氏之書閔洛諸儒講明益備奈何頃歲各欲專門遂致邇來橫生邪說朕所以悉賜先儒之謚併及張呂之儔曲阜來歸既尊崇於孔氏元日發制復訪後於伊川觀之年高廩而奉祀源

方強仕遂命以官庶幾感發人心推明道統俾務躬行之實無為邪說之歸再其懋哉朕意深矣可特授迪功郎

宋寧宗嘉定十七年六月三日

修職郎程源授籍田令制

勅修職郎程源爵祿朝廷之名器固能砥礪於一時賢者風俗之樞機實可作興於百世激勸有道今昔所同睠惟爾祖之賢一出滄溪之正盡心知性無非根本於大原啟鑰抽緘用以開明於後學

求其嗣裔得再端良隆然受道之資甚矣典刑之  
舊錫之命秩擢寘班聯庶幾風動於聽聞無或顛  
寘於邪僻克邁先訓九殫乃心可依前修職郎行  
籍田令

行太社令程源改官制

勅宣德郎行太社令程源外服之臣儻或召對則  
雖選調亦更京秩有位于朝者乃獨不然拔其一  
二尤異而特獎之所以厲群工乎爾源大儒之後  
業履溫純昕朝入告通達詳明其越去試銜擢躋

宣德官簿寢華矣書曰敷納以言明試以功尚克  
懋哉可特改宣教郎依舊行太社令

將作監丞程源轉朝奉郎致仕制

勅宣教郎將作監丞程源公侯之子孫必欲復其  
初爾正公諸孫溫良質厚克紹家聲故起之布衣  
縻之好爵蓋欲光昭令德振起遺風俾天下後世  
知儒先之有後也歷官未久遽沒其世天乎人乎  
良可慨矣特轉七品名在員郎庶幾可以延賞裕  
後奉先養親尤有賴焉匪直慰爾九原之思抑亦



見國家念儒先之意無厭數如此匪其欽哉可特  
轉朝奉郎致仕侍郎兼給事中鍾震行

薦伊川四世孫淮劄子

定子等僭有申控仰干鈞聽定子等項者恭覩駕  
臨監學斥荆舒從祀陟饗五先生明示天下學者  
以趨嚮之正竊見伊川正公嫡孫程淮嗣守家訓  
承親兄源錄用初調揚子尉曹待闕日久偶被衝  
辟池守常平使者具薦剡乞加旌擢已蒙鈞判未  
即施行緣其兄源官員判郎嘗二繕監不幸早世

門戶之責淮實任之既得一官未霑寸祿欲望鈞  
慈叅酌池守所薦特賜陶鑄一近次差遣庶不虛  
公朝尊禮儒先崇尚正學之美意定子等不勝戰  
慄俟命之至右謹具申呈伏候鈞旨

宋理宗淳祐二年 月 日

尚書高定子李性傳侍郎杜範程公許劄子

程淮補官之始係左司吳淵擬筆備坐其兄程  
源元錄用補官指揮札下池州從實契勘保明  
申奏以聞後摠池州主者江東提舉兼知池州  
王伯大行下奉廂官集鄰審實照得程淮委係  
伊川正公四世次甥長孫五九承事謙之之親  
次子添差江州通判程監丞源之親弟結罪保

明申上得旨程淮特與  
補將仕郎豫章程漸識

附山長周應為明道立後申請

承直郎差充江南東路安撫使司幹辦公事兼明  
道書院山長周應合申照會書院為明道先生程  
純公立也固將有以壽其道脈亦當思所以壽其  
家脈今純公之後所至未見其人而伊川先生正  
公之子孫在池陽為稍衆擬欲從閩府行下池州  
委請通判教授於伊川先生子孫中自十五至三  
十歲遴選其資質可以進學者五人並禮送書院

養而教之觀其有立別議區處庶幾為子孫者崇  
德象賢足以嗣續先世之舊而家脈與道脈俱壽  
矣更合取自指揮奉鈞判行池州回申

伊陽伯四世嫡長孫程淮劄子

通直郎新差知興國軍永興縣主管勸農公事兼  
照得明道先生子二人而端懿居長孫四人而昂  
居長曾孫六人其後不復可考淮本位伊川先生  
亦二子四孫曾孫八人元孫十二人仍係見止十  
人來孫見止四人可以遷繼明道者實難其選獨

節之之子濤濤之子偃孫乃伊川一氣之正脈可  
為明道後節之與克家為兄弟若空一代而以偃  
孫為克家之孫於法亦通然不可使節之之無後  
也今莫若全以節之一位三世為明道先生嫡孫  
昂繼命節之為明道曾孫濤為明道元孫偃孫為  
明道來孫則明道先生之後世世有人節之乃伊  
川長子知軍端中第三子通判武之弟五子於通  
判本位即不相妨雖非禮之正而合乎禮之權可  
以仰稱繼絕之盛德戶部看詳指定伊川先生次

子通判第五子節之一位三世移繼絕公之後接  
禮援法實為允當奉

聖旨依劄付池州

姚希得再為明道立繼榜

先是往歲朝廷曾劄池州選擇伊川五世孫曰偃  
孫者為明道後前政馬觀文以是邦明道書堂在  
焉迎就教育併其母曾館之官宇月給有差未及  
兩載而偃孫亡曾母無依先賢弗嗣委為可念景  
定三年據學官申遂再行下池州訪聞別無本宗

嫡派可以昭穆遂牒郡庠及書院擇同族而可教者保明申據續申選到程掌儀必貴兄程子材男慶老年方十歲生質厚重家世詩書可爲明道之後於是擇日行釋菜之禮告于純公之祠立爲偃孫之子命名幼學俾職掌祠就學於其叔父程掌儀旬有課程講學不廢其祖母曾就同奉養使不失祖孫相依之義儻天祐斯文教養至於成立先賢無或廢祀庶有補於世教云

一行禮幣費用及每月教養廩給具子下方祖母

曾氏送五百貫十七畧爲衣被之用掌祠程幼學送五百貫十七畧置衣服生父程子材送一千貫土絹四疋建康府月支三百貫十七畧米兩石一半付程掌儀收支爲曾母日逐供給之用一半椿之書堂爲曾母衣服等用明道書堂每日供折錢月支四十五貫十七畧米七斗五升撥過程掌儀家爲幼學日食之用程掌儀必貴任教導之責書院月餽東脯五十貫十七畧米五斗景定四年三月日寶章閣學士通議大夫刑部尚書沿江

制置使兼江東安撫使主管行宮留守司公事知  
建康寧府事兼權淮西總領鄣縣開國伯食邑三  
百戶賜紫金魚集姚

右程朱闕里志六卷以官庫本謄寫

字皆依舊不安改竄述三識

